

RJEŠENJE**O IMENOVANJU IZVRŠNOG ODBORA FONDACIJE
HENDIKEPIRANIH LICA**

I
Imenuje se Izvršni odbor povjerenika Fondacije hendikepiranih lica u slijedećem sastavu:

1. dr. FARIS GAVRANKAPETANOVIĆ, predsjednik,
2. SEAD DAUTBAŠIĆ, član,
3. AZRA HADŽIBEGIĆ, član,
4. MARKO PEJČINOVIĆ.

II
Ovo rješenje objavit će se u "Službenim novinama Federacije BiH".

V broj 2/2001
9. januara/siječnja 2001. godine Premijer
Sarajevo Edhem Bičakčić, s. r.

**FEDERALNO
MINISTARSTVO TRGOVINE**

7 Na osnovu člana 6. stav 2. Zakona o posebnim uvjetima za obavljanje poslova međunarodne špedicije u vezi sa carinjenjem robe ("Službene novine Federacije BiH", broj 46/00), federalni ministar trgovine, donosi

UPUTSTVO**O UTVRĐIVANJU VISINE NAKNADE ZA IZDAVANJE
OTPREMNIČKOG ODOBRENJA-LICENCE**

I
Ovim uputstvom utvrđuje se visina i način plaćanja naknade za izdavanje špediterskog odobrenja-licence, koje u skladu sa Zakonom o posebnim uvjetima za obavljanje poslova međunarodne špedicije u vezi sa carinjenjem robe izdaje Federalno ministarstvo trgovine (u daljem tekstu: Ministarstvo).

II
Naknada za izdavanje licence društvu za špediciju iznosi 1.000,00 KM.

Naknada za evidentiranje ranije licence izdate od nadležnog organa iznosi 300,00 KM.

III
Naknadu iz tačke II ovog uputstva uplaćuje društvo za špediciju nakon prijema obavijesti Ministarstva o pozitivnom rješenju podnesenog zahtjeva, a prije uručjenja rješenja.

IV
Prihod od ostvarenih naknada je prihod Budžeta Federacije BiH.

V
Ovo uputstvo stupa na snagu danom donošenja i objavit će se u "Službenim novinama Federacije BiH".

Broj 01-21-1539/00
29. decembra 2000. godine Ministar
Mostar Branko Ivković, s. r.

Na temelju članka 6. stavak 2. Zakona o posebnim uvjetima za obavljanje poslova međunarodnog otpremništva u svezi carinjenja robe ("Službene novine Federacije BiH", broj 46/00), federalni ministar trgovine, donosi

NAPUTAK**O UTVRĐIVANJU VISINE NAKNADE ZA IZDAVANJE
OTPREMNIČKOG ODOBRENJA-LICENCE**

I
Ovim naputkom utvrđuje se visina i način plaćanja naknade za izdavanje otpremničkog odobrenja-licence, koje u skladu sa Zakonom o posebnim uvjetima za obavljanje poslova međunarodnog otpremništva u svezi carinjenja robe izdaje Federalno ministarstvo trgovine (u daljnjem tekstu: Ministarstvo).

II
Naknada za izdavanje licence društvu za otpremništvo iznosi 1.000,00 KM.

Naknada za evidentiranje ranije licence izdate od nadležnog tijela iznosi 300,00 KM.

III
Naknadu iz tačke II ovog naputka uplaćuje društvo za otpremništvo nakon prijema obavijesti Ministarstva o pozitivnom rješenju podnesenog zahtjeva, a prije uručjenja rješenja.

IV
Prihod od ostvarenih naknada je prihod Proračuna Federacije BiH.

V
Ovaj naputak stupa na snagu danom donošenja i objavit će se u "Službenim novinama Federacije BiH".

Broj 01-21-1539/00
29. prosinca 2000. godine Ministar
Mostar Branko Ivković, v. r.

FEDERALNI ZAVOD ZA STATISTIKU**KOEFICIJENTI****RASTA CIJENA U FEDERACIJI BiH U
DECEMBRU/PROSINCU 2000. GODINE**

1. Koeficijent rasta cijena proizvođača industrijskih proizvoda u mjesecu decembru/prosincu 2000. godine u odnosu na prethodni mjesec je 0,000.

2. Koeficijent rasta cijena proizvođača industrijskih proizvoda od početka godine do kraja decembra/prosinca je - 0,001.

3. Koeficijent prosječnog mjesečnog rasta cijena proizvođača industrijskih proizvoda od početka godine do kraja decembra/prosinca je 0,000.

4. Koeficijent rasta cijena proizvođača industrijskih proizvoda od svakog mjeseca u godini do kraja godine je:

po mjesecima za 2000. godinu					
I	II	III	IV	V	VI
-0,002	-0,004	-0,004	0,128	0,126	0,126

po mjesecima za 2000. godinu					
VII	VIII	IX	X	XI	XII
0,126	0,122	0,122	-0,003	0,000	0,000

5. Koeficijent rasta cijena na malo u mjesecu decembru/prosincu 2000. godine u odnosu na prethodni mjesec je 0,000.

6. Koeficijent rasta cijena na malo od početka godine do kraja decembra/prosinca je 0,040.

7. Koeficijent prosječnog rasta cijena na malo od početka godine do kraja decembra/prosinca je 0,003.

8. Koeficijent rasta cijena na malo svakog mjeseca u godini do kraja godine je:

po mjesecima za 2000. godinu					
I	II	III	IV	V	VI
0,036	0,028	0,031	0,032	0,029	0,028

po mjesecima za 2000. godinu					
VII	VIII	IX	X	XI	XII
0,022	0,022	0,007	0,003	0,000	0,000

Broj 1
10. januara/siječnja 2001. godine Direktor
Sarajevo Munira Zahiragić, s. r.